

جریده علمیہ

مشیت جلیلہ اسلامیہ ناک جریدہ رسید

ذی القعدہ ۱۳۳۷

عدو ۴۸

آیدہ بر نشر اوتور

بشبی سنہ



خط سہما یون

وزیر معالیسمیرم فرید پاشا

ہیات وکلانک استعفا سی قبول اولہرق مسند صدارت تجدیداً عہدہ کزہ احالہ
ومشیخت اسلامیہ دخی مصطفی صبری اقدی عہدہ سندنہ ابقا ایدلشدہر حال وزمانک
جلہ جہ معلوم اولان اہمیتی ایجابیجہ معاملات دولتک سلامت وسرعت نمشیتی تأمین
ایچون ہیأت وکلانک ہیچ بر فرقہ یہ منسوب اولیان بیطرف ومتجانس ذواتدن تشکیلی
الزم کورندیکندن بواوصافی جامع اولہرق قانون اساسینک پکرمی یدنچی مادہ سنہ توفیقاً
تشکیل ایلدیککز ہیأت جدیدہ نک مأموریتلری تصدیق مزہ افتران ایتشدہر شوآن مہمدہ
اخلاً و خارجاً محاط بولندیفجز مہالک ومشکلات وظیفہ ومسئولیتی مدرک اولان
تثباتکز جہ پیش نظر دقتہ النہرق خارجہ قارشو حقوق دولت وملتک تمامی محافظہ سی
وداخل ممالکدہ سکون وانتظامک تأمینیلہ ہر طرفدہ نفوذ حکومتک احساس وبر
زماندنبرو افراد ملت ارہ سندنہ دوامی کمال تأسقلہ مشاہد اولان اثار شقاق وتفاکک کلیا

توجیهات علمیہ

انطالیہ سنجائی مفتیلکنہ علمای محلہ دن یوسف طلعت، قرہ سی سنجائی مفتیلکنہ
عبداء کواش قضاسی مفتیلکنہ شیخ معصوم، چولہ مرک قضاسی مفتیلکنہ قضاء مذکور
محکمہ شرعیہ سی ہاش کاتبی نجیب، اسیر قضاسی مفتیلکنہ علمای محلہ دن حاجی احمد،
مدانیہ قضاسی مفتیلکنہ محمد نیازی، قرہ کلیسا قضاسی مفتیلکنہ وکالتندہ بولنان علمای
محلہ دن سعداء، ککبوزہ قضاسی مفتیلکنہ وکالتندہ بولنان زین المابدین، موش سنجائی
مفتیلکنہ علمای محلہ دن حسن کامل، خوپہ قضاسی مدرسکنہ وکالتندہ بولنان علمای
محلہ دن عبدالمجید اقدیلر انتخاب و تعیین بیورلمشردور ۱۰ اگستوس ۱۳۳۵

*
*

محمد وحید الدین

دارالخلافہ العلیہ ابتداء خارج مدرسہ سی مدیریت عمومیہ سنہ ایکی بیٹ غروش
معاشلہ یمن مدرسہ سی رنجی صنف منطق مدرسہ سی درسعامدن داغستانی عبدالصداقدی
تعیین اولمشدر .

بوارادہ سنہ نک اجراسنہ مشیخت ماموردور

فی ۱۶ شوال سنہ ۱۳۳۷ وفی ۱۵ جوز ۱۳۳۵

شیخ الاسلام

مصطفی صبری

*
*

محمد وحید الدین

امام اول بسم اقدی بہ حرمین محترمین و امام ثانی احمد نجائی اقدی بہ ترفیعاً بلاد
خمہ پایہ لری توجہ اولمشدر .

بوارادہ سنہ نک اجراسنہ مشیخت ماموردور

فی ۱ ذی القعدہ سنہ ۱۳۳۷ وفی ۲ اگستوس سنہ ۱۳۳۵

شیخ الاسلام

مصطفی صبری

*
*

محمد وحید الدین

عذله ناظر اسبقی ہرانی زادہ محمد جیل افدینک مقدا حائر اولدینی اناطولی
قاضی سکرلکی پایہ جلیلی اعادہ اولمشدر .
بوارادہ سنہ ۱۲۳۷ ک اجراسنہ مشیخت مأمورد

فی ۶ ذی القعدہ سنہ ۱۳۳۷ و فی ۱۴ اغستوس سنہ ۱۳۳۵

شیخ الاسلام
مصطفی صبری

محمد وحید الدین

دارالخلافۃ العلیہ سلیمانہ مدرسہ سندہ منحل اولان حدیث شریف درسی مدرسکنہ
درسعادن درہلی ولدان فائق اقدی وتصوف درسی مدرسکنہ حکاری علمائرن
عبدالحکیم اقدی وتاریخ ادیان و دین اسلام درسی مدرسکنہ سخن مدرسہ سی فلسفہ
مدرسی برغملی محمد ذکی اقدی وحکمت الہیہ درس مدرسکنہ فلسفہ اسلامیہ
تاریخی مدرسی اسماعیل حق اقدی بہ وفلسفہ اسلامیہ تاریخی درسی مدرسکنہ مدرسین
سابقہ دن شمس الدین بک وفقہ حنفی مدرسکنہ قضاء سابقہ دن عمر عزیزی اقدی وینہ
فقہ حنفی درسی مدرسکنہ درسعادن نوشہرلی خلیل وھی اقدی واصول فقہ درسی
مدرسکنہ درسعادن پرزینلی حسین نجم الدین اقدی وینہ اصول فقہ درسی مدرسکنہ
درسعادن ارزنجانی ادریس وفا اقدی وفقہ شافعی درسی مدرسکنہ حکاری مبعوث
اسبقی سید طہ اقدی وتاریخ فقہ درسی مدرسکنہ بغداد نائب اسبقی علی وھی اقدی
وخلاقیات درسی مدرسکنہ قضاء سابقہ دن داغستانی ضیاء الدین اقدی تعیین اولمشدر .
بوارادہ سنہ ۱۲۳۷ ک اجراسنہ مشیخت مأمورد .

۸ ذی القعدہ ۱۳۳۷ ۵ اغستوس ۱۳۳۵

شیخ الاسلام
مصطفی صبری

محمد وحید الدین

فتواخانه مسوولین ریزه لی حاجی احمد اسلام افندی به ابتدا التمشلی درجه سندن
استانبول مدرسلکی رؤسی توجیه اولمشدر .

بو اراده سینه نك اجراسنه مشیخت مأمورد

فی ۹ ذی القعدة سنه ۱۳۳۷ ۷ اغستوس سنه ۱۳۳۰

شیخ الاسلام

مصطفی صبری



علم کلام

— متکلمین و حکماء —

نفس ناطقه بشریه کوره سعادت عظما و مرتبه علیا خالقنک ذات وصفاتی طاقت
بشریه سی مقدارنجه بیلیمک و بوجله انسان مبدأ و معادن و قوف و معرفت تحصیل ایتمکدر .
بو معرفتک حصولی ایچون ایکی طریق وارددر . بری اهل نظر و استدلال بولی ،
دیگری ده اهل ریاضت و مجاهده اسلوبی در . نظر و استدلال یولنه سالک اولانلر اکر دین
و شریعتی التزام و اسلوب بحث و استدلال لرنده شرع شریفه اتباع ایدر لر سه آنلره (متکلمین)
دیرلر .

بردینه تمسک ایتیموده مجرد کندی عقل لرینه او یوب کیدنلرده (حکماء مشائیون)
دیرلر .

طریق ریاضت و مجاهده به سالک اولانلردن شریعت توفیق حرکت ایدنلره (صوفیه
مشرعون) ، شریعت اتباع ایتیمه رک مجرد ریاضت و مجاهده لر ی نمره سی اوله رق کشف و اشراق
یه اکتفا ایدنلره (حکماء اشراقیون) دیرلر . بونلرک هر ایکسی ده مرآت قلب لرینی تصفیه
ایدرک سنوحت الهیه مظهر اولق اوزره عالم روحانیاته متوجه اولور لر سه ده لکن
دین حقه تمسک اولانلرک مرایای قلبی مستوی دیگر لرینک کی غیر مستویدر .